



BARAZA LA WAWAKILISHI – ZANZIBAR

ORODHA YA SHUGHULI ZA LEO

BARAZA LA TISA LA WAWAKILISHI

MKUTANO WA KUMI

Kikao cha Kumi na Tisa – Tarehe 04 Juni, 2018.

Kikao Kitaanza Saa 3.00 (Tatu) Asubuhi
na Dua itasomwa.

- I. **TAARIFA YA SPIKA:**

- II. **HATI ZA KUWASILISHA MEZANI:**

Waziri wa Afya:

Hotuba ya Makadirio ya Mapato na Matumizi ya Wizara ya Afya kwa Mwaka 2018/2019.

Mwenyekiti wa Kamati ya Ustawi wa Jamii:

Hotuba ya Maoni ya Kamati ya Ustawi wa Jamii Kuhusu Makadirio ya Mapato na Matumizi ya Wizara ya Afya kwa Mwaka 2018/2019.

III. **MASWALI:**

Ofisi ya Rais na Mwenyekiti wa Baraza la Mapinduzi:

66. MHESHIMIWA SIMAI MOH'D SAID (Jimbo la Tunguu) -
Atamuuliza Mheshimiwa Waziri wa Nchi, Ofisi ya Rais na
Mwenyekiti wa Baraza la Mapinduzi:

Kwa kuwa Jamhuri ya Muungano sasa imejikita katika
Diplomasia ya Kiuchumi (Economic Diplomacy).

Je, SMZ imefikiria kuishauri SMT kujiunga na Jumuiya za
Kimataifa zenye maslahi ya kiuchumi kama vile OIC ambayo
tayari wanatambulika na Umoja wa Kimataifa na kuwa na kiti
chao katika Umoja huo

Ofisi ya Rais, Tawala za Mikoa, Serikali za Mitaa na Idara Maalum za SMZ:

80. MHESHIMIWA JAKU HASHIM AYOUB (Jimbo la Muyuni) -
Atamuuliza Mheshimiwa Waziri wa Nchi, Ofisi ya Rais,
Tawala za Mikoa, Serikali za Mitaa na Idara Maalum za
SMZ:

Kituo cha Afya cha Kitogani kimekuwepo pale muda mrefu
na sasa kimechakaa na wananchi wa Kitogani wanakitumia
kupata huduma za afya.

Je, lini Kituo cha Afya cha Kitogani kitafanyiwa ukarabati.

82. MHESHIMIWA JAKU HASHIM AYOUB (Jimbo la Muyuni) -
Atamuuliza Mheshimiwa Waziri wa Nchi, Ofisi ya Rais,
Tawala za Mikoa, Serikali za Mitaa na Idara Maalum za
SMZ:

Wananchi wengi wanaosafiri kupitia Bandari ya Malindi
Zanzibar wamekuwa wakisumbuka wanapotoka au kwenda
Bandarini hapo kutokana na umbali wa masafa na
kukosekana kituo cha Daladala cha karibu.

Je, hatua gani zitachukuliwa kusogeza huduma za usafiri wa
Daladala hasa ukizingatia wapo wazee, watoto na akina
mama ambao wanasumbuka kutokana na umbali huo.

Wizara ya Fedha na Mipango:

56. MHESHIMIWA MWANAIDI KASSIM MUSSA (Nafasi za Wanawake) - Atamuuliza Mheshimiwa Waziri wa Fedha na Mipango:

Zanzibar ni miongoni mwa nchi za kupigiwa mfano katika Bara letu la Afrika kwa hatua zilizofikiwa katika ukusanyaji wa mapato kupitia vianzio vyake vya ndani.

- (a) Je, ni kitu gani kinachopelekea baadhi ya taasisi za Serikali kukosa OC kwa baadhi ya miezi.
- (b) Je, kudumu kwa tatizo hilo kwa muda mrefu sasa, hatuoni tunapelekea kuzorotesha kazi zilizopangwa kutotekelezwa kupitia bajeti husika.
- (c) Kwa nini bajeti inayopitishwa na Baraza la Wawakilishi kwa baadhi ya taasisi za Serikali huwa fedha hazipatikani kama zinavyoombwa na Idara/Taasisi husika.

224. MHESHIMIWA ALI SULEIMAN ALI (Jimbo la Kijitoupele) - Atamuuliza Mheshimiwa Waziri wa Fedha na Mipango:

Katika kukuza Utalii Nchini, Marehemu Mzee Abeid Amani Karume, Rais wa Kwanza wa Zanzibar alijenga Hoteli katika Kisiwa cha Pemba katika maeneo ya Mkoani, Chake chake na Wete, ili kuimarisha uchumi Nchini.

- (a) Je, hoteli hizo bado zipo chini ya mikono ya Serikali au zimekodishwa.
- (b) Je, Wizara ina mpango gani wa kuliokoa jengo la hoteli ya Mkoani ambalo lipo katika hali mbaya hivi sasa.

Wizara ya Elimu na Mafunzo ya Amali:

46. MHESHIMIWA OMAR SEIF ABEID (Jimbo la Konde) - Atamuuliza Waziri wa Elimu na Mafunzo ya Amali:

Kwa kuwa lengo la Serikali yetu ni kutoa elimu bora, Wizara ya Elimu kwa kupitia wataalamu wake ina wajibu wa kuupitia

mfumo wa elimu uliopo hivi sasa ambao unataka mwanafunzi wa maandalizi amalize akiwa na umri wa miaka 6, jambo ambalo mtoto huyu hutoka hapo akiwa hajui kitu kutokana na umri wake.

- (a) Je, ni lini Serikali itafanya upya mageuzi ya mfumo wa elimu ya maandalizi na msingi ambayo tunaendelea nao hivi sasa.
- (b) Je, faida au hasara gani iliyopatikana kutokana na kutumia mfumo huu ambapo wazazi na walimu wanaona kwamba mfumo huu ni kikwazo kikubwa.
- (c) Je, Wizara ya Elimu ilifanya utafiti kabla ya kuanza kwa mfumo huu katika nchi nyengine zikiwemo Tanzania Bara na Kenya ambao waliujaribu na baadae waliacha kuutumia kwa maslahi mapana ya kielimu kwa nchi zao.

Wizara ya Ardhi, Nyumba, Maji na Nishati:

30. MHESHIMIWA JAKU HASHIM AYOUB (Jimbo la Paje) - Atamuuliza Mheshimiwa Waziri wa Ardhi, Nyumba, Maji na Nishati:

Utaratibu wa utoaji vibali vya ujenzi kutoka DCU hasa kwa wawekezaji umekuwa mgumu, unachelewa na urasimu kinyume na ilivyokuwa hapo awali, wakati vibali hivyo vinaratibiwa na ZIPA ambavyo vilikuwa vikipatikana bila kuchelewa. Hadi hivi sasa karibu vibali saba vya miradi ya ujenzi ya wawekezaji havijatolewa.

- (a) Je, kuna tatizo gani linalopelekea vibali vya ujenzi kucheleweshwa na DCU hasa kwenye miradi ya uwekezaji.
- (b) Ule utaratibu wa kuweka kituo kimoja (one stop center) kupunguza urasimu umekwamia wapi katika upatikanaji wa vibali vya ujenzi.
- (c) Kwanini vibali hivyo vinacheleweshwa, je hatuoni kuwa tunawavunja moyo wawekezaji.

IV. HOJA ZA SERIKALI:

Waziri wa Afya:

Kwamba Baraza hili lijadili Makusudio na Shabaha zilizomo katika Makadirio ya Mapato na Matumizi ya Wizara ya Afya kwa mwaka 2018/2019.

**Zanzibar,
04 Juni, 2018.**

**(Raya Issa Msellem)
KATIBU WA BARAZA.**